

Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

6. Tobias cæcitatem à Deo immissam agnoscit, atque eâ notitiâ tamquam Clypeo, impatientiæ authores remouet.

urn:nbn:de:hbz:466:1-45653

quameunque vis, formam accipit. Moneta percuditur, & signatur, valorēmque acquirit. Cæditur asinus, & currit. Castigatur homo, & emendatur. Sextum remedium, quia bonorū virtutem ostendit, & exercet *Fortuna* tristis. Septimum, quia leue & momentaneum est, quidquid nobis accidit, si cum Martyrum, cum Christi, aut etiam cum damnatorum doloribus comparetur. Octauum denique, quia per iratam *Fortunam*, via ad cælum, & præmium in cælo paratur. Hæc talia, qui in *Casibus* subitis atque funestis, apud se expendit, remedia habet omnis calamitatis; facile que potest, ad exemplum patientissimi illius Stephani (cui malevolus, igne subiecto, quidquid de agro conuexerat, cum ipso horreo, combussit) magis dolere, ob peccatum afflignantis, quam ob afflictionem. Sed inspiciamus cursim singula remedia enumerata, ab hominibus pijs in praxin reducta.

S.Greg. I. 4.
dial. cap. 19.

Ad primum remedium quod attinet, non agnouit tantum Dauid, & ante illum Iob, nulla in hac vita, sine Dei nutu hominibus mala accidere, atque idcirco ea accepta esse oportere; sed alij quoque eadem vni sunt ratiocinatione. In diuinis litteris, magnis laudibus ornatur Tobias, nam *cum esset captus, in diebus Salamanas regis Affyriorum, in captivitate tamen positus, viam veritatis non deseruit, ita ut omnia, que habere poterat, quotidie concaptiis fratribus, qui erant ex eius genere, impertiret*. Adduntur miræ laudes alia, de eius, in ipsa iuuentute, grauitate morum, de fidei constanza, de exercitijs pietatis; de filij sanctissima educatione, de consolatione captiuis impensa, quibus monita salutis dabat, de pecunia mutuò aut etiam in eleemosynas largissimè data. Siquidem Tobias quotidie pergebat, per omnem cognitionem suam, & consolabatur eos, diuidebatq; unicuiq;, prout poterat, de facultatibus suis: esurientes alebat, nudisq; vestimenta prebebat, & mortuis, aq; occisis sepulturam sollicitus exhibebat. Hæc viri virtus, hæc merita fuere. Quæ merces est secuta? Quod corpora interfectorum sepelijset, rex Sennacherib iussu eum occidi, & tulit omnem substantiam eius. Opes illi ablatae sunt: vitam fuga & nudus latens seruauit. Ad quid seruauit? vt reuersus, &c, conuiujo relicto, ad mortuos sepelendos accurrens in nouam incideret calamitatem. *Contigit enim, ut quadam die fatigatus à sepultura, veniens in domum suam, iactasset se iuxta parietem, & obdormisset, & ex nido birundinum dormienti illi calida sterncora inciderent super oculos eius, fieretq; cæcus.* Hanc autem

V. I.

Tob. I. 2.

tenta-

temptationem idèo permisit Dominus euenire illi, ut posteris daretur exemplum patientia eius, sicut & sancti Iob. Nam cum ab infantia sua semper Deum timuerit, & mandata eius custodierit, non est contristatus contra Deum, quod plaga cæcitatis euenerit ei, sed immobilis in Dei timore permanuit, agens gratias Deo, omnibus diebus vita sua. Nam sicut beato Iob insultabant reges, ita isti parentes & cognati eius irridebant vitam eius, dicentes: *Vbi est spes tua, pro qua eleemosynas & sepulturas faciebas?* Tobias vero increpabat eos, dicens: *Nolite ita loqui: quoniam filii sanctorum sumus, & vitam illam expectamus, quam Deus datus est his, qui fidem suam nunquam mutant ab eo.* Non fuit Tobias instar Tulipæ radios lucis excipientis, imbrex excludentis; æquè à Deo sciuit venire sibi cæcitatem, ac visum, atque idcirco non perdidit patientiam, non mutauit fidem; neque spem deposituit latioris vita, in cælo, consequendæ. Qui se confidit, Deum, in cælo, visurum, libenter est cæcus in terris. *Aduersus hos casus munendi sumus*, ait Seneca. Nullus enim, contra fortinam, inexpugnabile murus est. Intus instruamur. Silla pars tuta est, pulsari homo potest, capi non potest. *Quod sit hoc instrumentum, scire desideras?* Nihil indigetur, sibi accidere, sciatq; illa ipsa, quibus lœdi videtur, ad conservationem universi pertinere, & ex his esse, quæ cursum mundi officium consummant. *Placeat homini, quidquid Deo placuit: ob hoc se ipsum suag; miretur, quod non potest vinci, quod mala ipsa sub se tenet, quod ratione, quæ valentius nihil est, casum dolorémq; & iniuriam subigit.* Amarationem: *huius te amor, contra durissima armabit.* Ratio igitur potissima est, cogitare, casum tibi à sapientissima Dei bonitate misum esse; qui, per talia, Mundum iustissimè moderatur.

VII.

Sozom. hist. tit Deus, cuius testis est vel Alaricus Gottorum Dux, qui Stilicone interempto, quia petitam ab Honorio Imperatore pacem, non impetravit, statuit infesto exercitu Romam obsidere. Ibi milite copioso ad Tiberim collocato, ne in urbem necessaria inferrentur, adeò inde sinenter obsidionem protraxit, ut fame primùm, postea etiam peste populus, in urbe, vehementer laceraretur. Quod cum fieret, Monachus quidam Italus, Probus nomine, Romam contendit, atque Alaricum etiam atque etiam adhortatus est, ne tantorum malorum author esse vellet, sed urbi parceret, extrema iam passæ. Respondit Monacho Alaricus, se sanguine non delectari, & sanè sibi lubidinem non esse, tot mala Romanis inferendi; sed

vrgc.